



Inatsisartunut ilaasortaq  
Aleqa Hammond  
Nunatta Qitornai

## Tunu pillugu § 37 naapertorlugu apeqqummut nr. 188-imut akissuteqaat

Asasara Aleqa Hammond

Qujanaq apeqqutinnut. Apeqqutigineqartut tullinnguuttuni ataasiakkaarlugit uteqqinneqarput akineqarlutillu.

### 1. Imminut toquttarneq akiorniarlugu periutsit Nunatta Kangianut immikkut sammitinneqartut qanoq Naalakkersuisut Sermersuup Kommunia peqatigalugu suliniutigineqarpat?

Meeqqat tapersorneqarnissaannut Inatsisartut inatsisaat nr. 20, 26. juni 2017-imeersoq naapertorlugu meeqqat inuusuttullu atugarissaarnerannut peqqissusaannullu atatillugu ikiorsiinissaq kommunit akisussaaffigaat. Tunumi imminut toquttarnermut tunngatillugu Naalakkersuisut Kommuneqarfiullu Sermersuup akornanni immikkut suliniuteqartoqarnikuunngilaq.

Ilisimatitsissutigineqarsinnaavoq, siusinnerusukkat Tillie Martinussenimut § 37 naapertorlugu apeqqutip nr. 2018-248-imut akissutigineqartumit Peqqissutsimut Naalakkersuisoqarfimmit ilanngussisoqarmat, imatut paasissutissiisumik:

*" Tassanngaannaq immiornissamik eqqarsaatillit katsorsarniarerat Peqqinnissaqarfimmi utaqqinermik kinguneqarneq ajorpoq. Kikkut tamarmik imminut uloriartorsiortittut najukkami peqqissaaveqarfimmut imaluunniit napparsimmavimmut namminneerlutik imaluunniit politiinit ilaqtanilluunniit ikiorneqarlutik unitsinneqartarput. Najukkami peqqissaaveqarfimmi imminorniartoq nalliiiffiqineqassaaq piaartumillu ikiorneqarluni. Inuup nammineerluni pilersissimasaanik timikkut ajoqusertoqarsimappat peqqissaaveqarfimmi suliarineqassapput.*

*Najukkami nakorsaanerit suliniutinik/katsorsaanerit allanik aallartitsisoqarnissaanik nalliiippata, nakorsamit imaluunniit tarnip pissusaanik ilisimasalimmit misissortinnissaq siunertarlugu, Dronning Ingridip Napparsimavissuani Tarnikkut Nappaatilinnut Immikkoortortaqarfimmut innersuussisinnaapput. Nunanut allanut sanilliulluta imminorniartut aamma/imaluunniit imminoriartut malitseqartitsiffiunissaat pineqartillugu piaarnerusumik sullissisarpugut. Tarnikkut nappaatilinnut sullissivimmi sulisussaaleqineq pissutigalugu utaqqisoqartariaqassappat najukkami peqqinnissaqarfimmi nakorsaq imaluunniit najukkami tarnikkut nappaatilinnut sullissivimmi malitseqartitsisoqarnissaa qulakkeerneqassaaq.*

09-05-2019  
Suliap normua.: 2019 - 11836  
All. id. 10740614

Postboks 260  
3900 Nuuk  
Oqarasuaat (+299) 34 50 00  
Naqitanik nassitsigasuaat +299  
34 66 66  
E-mail: [ian@nanoq.gl](mailto:ian@nanoq.gl)  
[www.naalakkersuisut.gl](http://www.naalakkersuisut.gl)

*Tarnikkut Nappaatilinnut Immikkoortortaqrarfiup misigisarpaa imminornissamik siorasaarinerit arlallit tassangaannaq imaluunniit aalakooruloornermi pisartut, tamannalu ikiorneqarnissamik nillianertut paasineqarsinnaasoq. Taamaammallu akuttuneq ajorpoq imminornissamik ulorianartorsiortut tarnip pissusaanik ilisimasalimmik oqaloqateqarnissamik neqeroorfigineqartut malitseqartitsiffiusussanut takkunneq ajornerat, tassami aalakoortinnani pisariaqartitsineq takkunneq ajornartarmat."*

## **2. Nunatta Kangiani inuttut ikiorserneqarnissamik katsorsarneqarnissamillu pisariaqartitsisut ikiorserneqarnisaat anguniarlugu suna periuseq atorlugu Naalakkersuisut sulippat?**

Innuttaasut tamaasa nuna tamakkerlugu ikiorneqarneqarnissamik katsorsarneqarnissamillu pisariaqartitsisut Naalakkersuisut ikiorusuppaat. Innuttaasunut ikiuunneq tapersersuinerlu aallaaviatigut kommunip suliassaraa, kommuninilu ikiorsiiniutit tamaasa, matumani Kommuneqarfik Sermersuup katsorsaanissamut neqeroorutai ilanngullugit, Naalakkersuisut nassuiarsinnaanngilaat.

Meeqqanut inuusuttunullu suliassani sulianik ikiorsiisarneq pillugu Isumaginninnermut Aqutsisoqarfiup qitiusumik siunnersuisarfia Kommuneqarfik Sermersuumik 2017-imiilli suleqateqarpoq.

Kinguaassiuutitigut atorerlunneqareernerup kingorna inersimasunut kingunerlutitsisunut angalaqatigiittartui 2018-imi januaarimi katsorsaanerminni aappassaaneernertik aallartippat. Ingerlaneq taanna 2019-imi nangissaaq

Kommuneqarfik Sermersuup Isumaginninnermullu Aqutsisoqarfiup suleqatigiinneranni meeqqanut Tasiilami kinguaassiuutitigut atorerlunneqarsimasunut angalasartoqatigiit pilersinneqarput. Taanna 2018-imi pilersinneqarpoq 2019-imilu nangissalluni.

Kiisalu Isumaginninnermullu Aqutsisoqarfiup siunnersuinnermut oqarasuaataa Tusaannga 2019-imi januariimi atulersinneqarpoq. Tusaannga Kalaallit Nunaanni ataatsimut siunnersuisarfiuvoq nutaaq oqarasuaatit sms-illu aqutugalugit nuna tamakkerlugu meeqqanut, inuusuttunut inersimasunullu siunnersuisarfiusoq.

## **3. Nakkutilleeriaaseq qanoq ittoq atorlugu sulisoqarpa?**

Meeqqanut inuusuttunullu suliassaqarfimmi suliamik ingerlatsineri inatsisit eqquutinneqarpata kommunit suliamik ingerlatseriaaseqarnermut kiffaanngissuseqarput. Meeqqanut inuusuttunullu suliassaqarfimmi Meeqqat tapersersorneqarnissaannut Inatsisartut inatsisaat nr. 20, 26. juni 2017-imeersoq pingaarnertut inatsisaavoq.

## **4. Nunatsinni inunnik ikiortarialinnik suliniutit qanga aallartippat qanoq ittunik nalilersuisoqartarpa?**

Apeqqummi tassani "misissuinerit" suut innersuuneqarnersut takuneqarsinnaanngilaq, taamaattumik apeqqut akineqarsinnaanngilaq.

**5. Nunatta Kangianut sammititamik immikkut ittumik Naalackersuisut sulingasuarnissamik pilersaaruteqarpat?**

Tasilaami kinguaassiuutitigut atornerluisarneq pillugu Kommuneqarfik Sermersuup, Politiit Naalackersuisullu suleqatigiinnissamik isumaqatigiissutissaannut missingiut suliarineqarpoq. Upalungaarsimanissamut pilersaarummik kiisalu suleqatigiinnissamik isumaqatigiissummik suliaraqnissaannik suleqatigiissitaq suliassinneqarnikuuvoq. Kinguaassiuutitigut atornerluisoqarsimaneranik ilisimasaqalernermit pasitsaassinermiluunniit meeqqanik inuusuttunillu sullissisunut inersimasunut assigiiaanik najoqqutassanik pilersitsinissaq oqartussaasoqarfiit assigiinngitsunik suliallit akornanni suleqatigiinnerup qulakkiissagaa anguneqarusuppoq.

**6. Nunatta Kangianut immikkut inunnik isumaginninnikkut suliniarneq sullissinerlu pitsaassusaanik nakkutilliineq Naalackersuisutigoortoq qanga kingullermi piva sunillu inerniliussaqaarpa?**

Kommuneqarfik Sermersuup isumaginninnermi ingerlatsiviani 2016-imi 2017-imi piffissani pingasuni kingullermik nakkutilliisoqarpoq. Tamatuma saniatigut 2019-imi massakkut ingerlasumik nakkutilliisoqarpoq.

2016-imit 2017-imiillu nakkutilliinermi nalunaarusiami meeqqanut inuusuttunullu suliassaqaarfimmi kommunip ingerlatsivia ilungersunartorujussuarnik amigaateqartoq inerniliunneqarpoq. Taamaammat suliniutissanut pisariaqarluinnartunut tunngatillugu innersuussinernik arlalinnik nakkutilliartornermi nalunaarusiaq imaqaarpoq. Ilaatigut innersuussutigineqarpoq ” *Tasiilami meeqqat pillugit suliassat paasilluarneqassappata meeqqat pillugit suliassat nakkutigineqarnerat aqunneqarnerallu maannakkut naammangilaq – aamma eqqortumik takutitsinngilaq. Maanna nakkutilliinermi atornerqartut, suliassat allattorsimaffii isumaginninnermut tunngatillugu suliassanut tulleriarneqarnissaannullu, kiisalu suliassaqaarfimmut sulisussanik nuussinissamut sanilliullugit tatiginassuseqanngillat naammattumillu takussutissiinatik.*”

Nakkutilliinermik ingerlatsiviup nalunaarusiai Naalackersuisut nittartagaanni takuneqarsinnaapput.

**7. Nunatta Kangiani inulerinermi unammillernartunut sullissineq pillugu kommuninut allanut sanilliullugu qanoq inissisimava?**

Isumaginninnermut suliassaqaarfimmi kommunit tamarmik unammilligassaqaarput, tamannalu aamma nakkutilliinermut ingerlatsiviup nalunaarusiaani aamma meeqqat illersuisuata angalanermut nalunaarusiaanni uppersarsarneqarpoq. Taamaattorli isumaginninnermi suliassat nunap sinnerani innuttaasunut naleqqiullugu Tunumi amerlanerupput. Sulisussarsiorneq taakkunanngalu tigumminiinnarniarneq nunap sinneratulli Tunumi unammilligassat taakkuupput.

Nuna tamakkerlugu isumaginninnermi pissutsit pitsaanerulernissaat Naalackersuisut kissaatigaat, taamaattumillu nunami tamanut atuuttumik isumaginninnermi pissutsit pitsaanerulernissaat sulissutigalugu.

Kommunit isumaginninnermut ingerlatsivii nakkutilliivigineqartarput, tassani meeqqanut inuusuttunullu suliaasaqarfimmi inatsit kommunit eqquutinneraat nalilerneqartarpoq. Taamatut kommunit sulianik ingerlatsinerisa pitsaanerulersinnissaat neriutigalugu Nakkutilliinermik ingerlatsivik kommuninut innersuussuteqartarpoq.

Taamatuttaaq kommunit sulinerinut ingerlaavartumik tapersersuisoqartarpoq. Tunumut tunngatillugu apeqqut 2-mut akissutigineqartoq innersuussutigineqarpoq.

**8. Nunatta Kangianut inulerinermi Kommuneni siulersuisuusut naliliinerni peqataatinneqartarpat?**

Apeqqummi "inerniliineq" suna innersuunneqarnerisooq takuneqarsinnaanngilaq, taamaattumillu apeqqut akineqarsinnaanngilaq.

Med venlig hilsen

  
Martha Abelsen